



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCXVIII. ad annum MCLXXIX.

**Parisiis, 1644**

I. Quod non debet benedictio iterari.

**urn:nbn:de:hbz:466:1-15588**

curetis, & diligenter inducere diuino intuitu & amore iustitiae, ut coram vobis testimonium perhibeant veritati, nec quidquam exinde in suae salutis periculum reticere presumant.

C A P. XXIII. *Idem B.\* Exonienſi episcopo.*

Peruenit ad audientiam nostram, quod Hugo de Kaleda & M. vxor eius, in tali sunt linea consanguinitatis coniuncti, quod nullo modo possunt legitime insimul commorari. Vnde quoniam ad hoc magna est discretio adhibenda, fraternitati tuae, &c. quatenus si aliqui apparuerint, qui possint & velint ipsum matrimonium legitime

\* impugnare, vtraque parte ante presentiam tuam conuocata, quanto tempore cohabitauerint, diligenter ac studiose perquiras, & vtrum tempore quo coniuncti fuerint, accusatores filuerint, & eos coniungi debere cognouerint, solicite inuestiges. Quod si illos tempore coniunctionis hoc sciuisse & filuisse constiterit, de cetero graue esset eos audiiri. Tolerabilius est enim aliquos contra statuta hominum copulatos, coniuctos relinquere, quam coniuctos quoslibet legitime, contra statuta Domini separare. Si vero matrimonium ipsum recenter est contractum, vel notitiam eius tempore contractus ad accusatores non peruenisse constiterit, fama viciniae & personarum solicite perscrutata causam audias, & eam fine canonico studeas terminare.

## PARS IX. DE SECUNDIS NVPTIIS.

C A P. I. *Vigilienſi episcopo.*

**V**IR autem vel mulier ad bigamiam transiens non debet a presbytero benedici: quia cum alia vice benedicti sint, eorum benedictio non debet iterari.

## C A P. II.

*Idem Exonienſi episcopo; Pars capituli, In literis.*

Super illa vero quaestione, qua quæsumus est, an scilicet mulier possit sine infamia nubere infra tempus luctus secundum leges diffinitum, solicitudini tuae respondemus, quod cum Apostolus dicat: *Mulier mortuo viro soluta est a le-*